

隆昌縣志卷四十一

外紀

班氏藝文志云小說家者流蓋出於稗官張衡西京賦云小說九百本自虞初漢時遣黃車使者巡行郡國徧采異聞登之著錄是知識大識小貴於無遺不可因謏聞而畧之也隆自建置以來地雖偏隅而山水人物亦有怪怪竒竒非尋常意見所能推測者爰撮舉以備觀覽焉志外紀

明春碓女隆慶年間縣東五十里丫口邊有一女滿

隆昌縣志

卷四十一 外記

一

頭癩殼相貌竒怪不知從何來不祥姓氏每日在附近人戶舂碓度活忽一日有圖形來娶者惟此女肖其貌卽時溪邊沐浴癩殼盡脫皎潔異常後呼其地爲癩頭丫云今其沐浴處常多紅泉黑水泛出

呂純陽仙人橋縣東地名癩頭丫有小溪一日大雨水漲一人暮夜到此無橋躑躅間忽一人負劍而來將劍插入石壁中負一大石架橋使渡自乘一石船浮水上至今橋石宛然千人莫移劍穴尚

存石船亦朗然在目相傳爲呂純陽云

皇清麒麟橋順治元年縣東三十里魚箭灘有老人見獸在河邊麕身牛尾馬蹄一角歸以語人同往觀之不見至今橋名麒麟橋

仙人棋在縣東地名印山紅康熙元年有牧童見二羽衣人在山頂下棋倏然不見今棋盤棋子尚存後人將棋子擲於山麓明日視之棋子仍在山頂

療饑泥乾隆二十一年大旱五月間人多飢餓寶

隆昌縣志

卷四十一 外紀

二

藏山有一家三日未舉火忽見一老翁形容非常指之曰此山之泥可以療饑言畢不見因掘土炊而食之細滑與穀食無異於是往取者衆人無饑餓焉

母豬石縣北十五里環巖山田每於稻麥成熟時有物夜出其大如象形類母豬踐食稻麥居民夜捕之逐至崖際忽不見明日踪跡之見崖畔卧一巨石長丈餘形類夜間物卽以鎚鑿斷其頸塗以鴿犬血後遂不爲居民害因名其土爲母豬崖地

裂乾隆四十八年縣西十五里庠生袁昭宅後周圍地裂三十餘丈廣二尺餘深不可測踰月漸合家人以土實之至今尙有痕畧陷一尺許

吹石縣南四十里順水橋面石稜邊一處石色畧白石如櫻桃中空若巨螺大二寸長尺許吹之聲聞數里不經彫鑿而成

猪生象嘉慶四年縣北交富順上東界牛佛渡市民袁開子猪生二象未報而死市人咸異之

柏異縣北八十里慶雲寺有古柏三株相傳有明

迄今三百年物也嘉慶九年二株忽枯寺僧欲伐之以修補山門紳耆不許經歲餘枝葉青茂如常榕異縣北六十里黃家場有榕樹一株大十圍中空可容七八人南枝枯則北枝榮北枝枯則南枝榮時人比之瘕嶺梅